

sto li fanno imbarcar in Po, et vengono a queste bande, et il duca di Ferrara li dà el passo. Fanno venir gente del conte Belzoioso, et anco il papa manda in Romagna el conte Nicolò da Bagno a far fare 2 milia fanti italiani, et de qui l'imperador manda 3 milia fanti, et *cum* questa gente anderà Antonio da Leva, et lo imperador ha promesso andar *personaliter* se 'l sarà bisogno etc.

Hanno ruinato Fiorentini et ruinano el mondo de fora et hanno quelli dentro ruinato uno palazzo di missier Giacomo Salviati de fuora, che valeva più di dueati 20 milia. Sono letere de costa marina, come fra Sardegna et Spagna el capitano Portondo, havendo trovate 12 fuste, et havendo lui 8 galie, andorno a investir le fuste di turchi et mori, le qual tolseno de mezo le galee et ne hanno piate 7 et el dito capitano, *cum* grandissima occisione di una et l'altra parte, qual era capitano general de l'imperador, et la sua armata sono galie non valgieno un fico. L'imperador stà assai suspenso per questa nova, ma non teme, per haver Andrea Doria.

144<sup>1)</sup> *Copia di una lettera del capitano Magnavin, data in Bressa, a dì 7 novembre 1529, narra il perder di castel Santo Anzolo, scritta a Zuan Morello.*

Io credo che vostra signoria haverà inteso si come habiamo perso Santo Anzolo, et de li boni portamenti nostri, *maxime* dal mio canto, perchè penso debia esser stà scritto a la illustrissima Signoria sicome da la banda mia io feci amazar doi banderali et molti altri valenti homeni, et messo in fuga tuto el colonello del capitano Cesare da Napoli sina in nel borgo. Da poi andono a reforzar la bataglia a la bateria del castello, dove era il capitano Cluxon, et ivi per esser cascata tuta la fazata del castello da la cima per fina al fondo, introrono per forza con gran mortalità de capitani et banderali et di loro compagnie.

Da poi presa la rocha et la tera veneno al quartier mio, dove io era con la compagnia, con tute le insegne di loro, et hessendo a le man *cum* loro mi è stato morti quasi tuta la mia compagnia, et io fui preso, dove mi hanno fato far talia 100 scudi. Da poi mi hanno fato pato per 50, pagandoli de fato, dove io li ho pagato. El capitano Cluson ne ha fato talia 250, el capitano Nicolò de Macerata 80 scudi. Et subito venuto a Brexa dal signor proveditor mi

fu fato molte careze, et mi ha fato dar alogiamenti a questi pochi mi sono rimasi. Io spero che sua signoria mi remeterà de novo la compagnia etc.

*Copia de una lettera venuta da . . . . . 145<sup>1)</sup>*  
*Narra la presa di 7 galee de l'imperador da Barbarossa corsaro, le qual tornava in Spagna.*

Portondo capitò in Evisa dominica a mezo-giorno, che fu a li 31 di octubrio, et subito lo gubernatore di Evisa li dete nova de fuste quatro che le guardie haviano scoperto, et ha suspicione non fusseno più, atento la nova havia ditto Portondo havuto da parte del gubernatore di Valencia, quale li havia denotato erano fuste 15. Ditto gubernatore di Evisa li dete homeni 150 et più doe barche armate de la terra, quale dovesseno andare a scoprire. Quale Portondo se partite a medianote *cum* intencione investire ditte fuste quatro di notte, temendo, s' il aspectava ad investire di giorno, che dicte fuste se levariano del remo. Et partito ditto Portondo, siando in lo compasso de le saline in la . . . . . di le quäle sono certi sechagni, de le octo galere le quatro scagliorno sopra quelli, per la qual causa fu sforzato de tenirse, per trare dite galere de periculo, de sorte che, quando già furno fora de li sechagni, quaxi si faccia giorno. Il che visto per Portondo et come fusse che la nova certa non era salvo de quatro fuste, escogite intro le octo le quatro migliore et *cum* quelle e la fusta si adelantò faziando pressa et le altre facesseno più forza poteseno de alcanzarlo.

Come fu giorno chiaro li turchi hebbero vista de le galere et determinorono levarsi di sopra la ancora dove stavano. Et como lo capitano qual si chiama Casadiavolo, che la persona di Barbarosa non li era, vedete esser distancia di camino da le quatro galere prime da le altre quatro sequente, determinò investirle, et cossi fece vogare soe 15 fuste a lo incontro de quelle de Portondo, gionte senza passare l'una a l'altra, di sorte che Portondo *cum* le 4 investite li turchi. Si aprirno sete fuste da una parte et otto da l'altra, donde incominciò la bataglia crudele, et assai presto li turchi remiseno dite galere quatro, *interim* giunstrorno le altre quatro, non *cum* ordine, salvo l'una poi l'altra, et 145\* *cum* sei homeni morti et quaranta feriti. In le fuste

(1) La carta 143\* è bianca.

(2) La carta 144\* è bianca.